


5563.8
4022
v.2

松齋集

地

BERKELEY
LIBRARY
UNIVERSITY OF
CALIFORNIA

卷三



松齋集卷之四

附錄

挽章

己亥四月二十日

嗚呼惟我族兄松齋公卽常南先生之耳孫也
壬亂功臣孝子公之八世孫也與我八世分派
之親則雖過於袒免而誼同總功之親蓋以殊
恩異渥竊有難忘故也噫吾家下鄉後世世皆
窳而惟以文學名檢爲世業矣積德數百年始
發於公勤儉成家又能邁種厥德先墓之無祭
田者必置祭田先靈賴之而豐享親戚之窮窶

者必置義庄使之安堵姻婭男女之過時失婚者遺以財帛故舊之遭艱未得營葬者賜以米布此乃積而能散者也譬如古木老幹儼立於壇社之上則萬人爲之依庇而不知爲德者也嗚呼惟公孝友之實雖不能枚舉而早歲貧乏亦能養志白首遭艱必有朔望省楸之日而奠禮誠篤哭泣感人此乃慕親之誠老而采篤也與其兄晚翠公怡怡相樂食無魚則饋之以魚居無酒則饗之以酒其於友愛之節不啻如溫公之於伯康矣又能善教其胤早登上庠克繼

家聲公之門安得不昌大乎今於永歸之日情
當臨壙永訣而病未遂誠是豈平日相愛之情
也哉繼之以辭曰

莆南肖孫幸不寂寞兮早歲瓶罄親不戚戚兮
勤儉成立不驕好禮兮先墓祭田安靈有所兮
義庄置處親戚安堵兮省楸奠禮老不孝衰兮
棣園湛樂如嬰如父兮教子繼述斯爲至要兮
余哀無托蕪辭以告兮

族弟重栢再拜上

興陽德村

嗚呼聞公之訃義當匍匐之不暇而况此襄期

臨迫又未能遂枕其於情禮闕然者多矣罪何
贖焉敢將數句短律以哭吾私曰

珍原古今族監役好風聲賢胤兼蓮榜榮輝一
世傾

棣萼長時樂蓼莪沒世忱時復悅親地案書又
有琴

黃金能識主白酒復留賓藹然談笑席和氣一
般春

黃梁何世上芳草此山中浩浩松湖水澤流逝
無窮

高靈人申珏模謹再拜哭輓

興陽馬輪

嗚呼哀哉由何福星失輝不幸吾公易簀旅延
葛親僅爲連楣之暮年芝焚蕙歎忍見佳城之
三尺白手致產世稱腰金之富翁青雲得路人
仰鬢玉之貴客蘭孫撫擲無非摘驪之領珠棘
人臨壙庶見司馬之巾幘是故數郡會葬幾多
漬綿之人四隣哀號不聞春杵之曲野色淒涼
四月南風大麥黃福地秘藏一抔北邙春草綠
仙人掌上丹翼飄搖大龍山下素車跼蹐然而
其在親查之地非比餘人之悲挽輶歸路如訴

村齋集卷之四
泣血之鳥隔葉殘聲空負喚友之鵲難堪姻私
之遺憾敢慰哀曲之哀詞

查弟冠山人任誥鉉謹再拜哭挽

五福人間備一身惟公平日性溫淳白首偕妻
朝叫鴈青衫肖子世穉麟當局濶風噓手段寒
潭秋月露精神修德元來天必報乘雲是日去
尋真

族孫仁柱謹再拜哭挽

珠原舊族命惟新鬱鬱松林里上仁謹勤修德
心由舊詩禮傳家志尚淳事兄如父同衾枕教

子登庠邁席珍一閉壽藏那得見
薤歌聲咽淚添巾

族弟重鳳謹再拜哭挽

前川注東海千里逝如斯
幽泉同此水嗟去返無期

表孫星山人李教亨謹再拜伏地哭挽

一江朝暮地白首共從遊
修禊春秋席論心水月州
已知吾友益今作鶴仙儔
何處相觀否悵然淚兩眸

南平人父采烈謹再拜哭挽

暮笛山陽送此賢一身歸臥太平年恨餘棣院
悲同氣淚八琴床哭失絃死後聲名隆洽美生
前富貴已兼全福人庶得牛眠地鏗釜何岑起
兀然

王川人趙邦植謹再拜哭挽

天降斯賢若有爲一生富貴兩兼之家聲肖子
令孫繼心事街童巷老知泉路今朝歌厚德瑤
臺何處想清儀塵間了債無餘憾三太平中自
得宜

昌寧人曹錫曰謹再拜哭挽

福星精采降吾公家足經綸國手同衆心依恃
千夫特身健當爲百歲翁常賢清白弘先業梧
谷門庭裕後功忽驚前夜頽山語淚記哀詞盡
表衷

一子賢於衆榮親蓮榜紅節哀慰慈氏泣血拜
靈宮

族侄弘琯謹再拜哭挽

日月難停富貴欄遽然世事轉風湍雅度遙懸
霜鏡白韶顏應服紫金丹 政殿洪恩承錦帖
曲江春色醉庭蘭連連涕泗拚輟路夜露方圓

曉月寒

玉川人趙煒珍謹再拜哭挽

笙鶴翩翩喚侶飛
吾公今日化乘歸
南州人物稱冠冕
東國榮華又錦衣
餘蔭青衫賢胤室
永懷白首老妻幃
笛月山陽留不得
悵然姻姪痛無涯

姻侄玉川人趙煒葉謹再拜哭挽

設幃祖道前送者謂如仙
丹旄千年宅綠陰
四月天誰道家才厚
我知孝性全箕裘
能有託上舍世稱賢

查下生廣陵人李日會謹再拜哭挽

大龍元氣降斯仁福祿兼全六十春
貽後燕謨能事業憐窮周恤好經綸
地惟吉也封三尺孰不悲耶哭四隣
一曲薤歌山水咽南原芳草綠陰辰

廣州人李寧會謹再拜哭挽

別地松湖有一賢天資魁偉性溫然
衮枕極北星辰拱冢德常南清白傳
事業光輝遺簡軼精靈陟降奠几遶
冥冥猶不離親側總綍靈車歸古阡

南平人文邦烈謹再拜哭挽

儲積幾人命云公一郡瘁種仁兼富貴餘蔭蘭
幹萃

星州人李鍾奎謹再拜哭挽

聞公長逝淚難裁惆悵還如承計迴天下傷心
惟此別人間何處更叙懷相思明月今猶在舊
到情緘不忍開幕境追隨斯已矣哀辭吟斷獨
徘徊

冠山人任思潤謹再拜哭挽

龍山淑氣挺生公自謂百年壽不窮六十二春

三月暮億千萬事一時終人間有淚吾私哭天
上多仙魂必同未挽丹旌薤露唱江風野樹慘
涼中

海平人尹守烈謹拜挽

嗚呼哀哉公之生於斯世也天性溫潤心德慈
仁早以成家晚以顯榮處鄉黨而世多美譽在
家庭而人無異辭極湛樂於棣園盡慈愛於蘭
庭平日行義反求得君子修身齊家上工夫一
生施恩做出來賢人推己及人之道理人間五
福可謂備矣世間三達庶幾有之而將不可一

二枚陳而恒自私祝惟願吾公萬壽無疆矣嗟
呼白髮無心天難謀斯遽爾乘化瞻望松雲儀
形迴隲永言思之悲懷如焚痛哉痛哉

族弟重珪謹再拜哭挽

蒼松鬱鬱又平川舊宅新庄遠慮全齊家及里
爲仁美若予登庠厥蔭先周窮人說恩施日燕
養吾知壽永年胡奈六旬厭世苦白雲昨夜上
眞仙

野老同舍悲巷嫗亦哭私無人不嗟噫令德乃
如斯

後生廣州人李秉洛謹拜輓

生此山陽去玉京始聞其事一鄉驚無偏無倚
行中道有子有孫繼後榮薤露聲長雲萬里碧
桃花爛月三更灸鷄綿酒誰先奠又以哀詞拜
餞情

昌寧人成在俊謹再拜哭挽

玉京仙曠位招致人間魁富貴兼全士文章第
一才能當任者孰監役公之材惟吾塵俗客但
慰靈魂未

南平人文錫中謹拜哭挽

是石氏是姜翁當今世祿永終千金產君子業
三品官自家躬如水鏡藏奩裏無瑕玉蘊櫝中
嗚呼哉歸去路第一峯白雲融

濟州人梁 桓謹拜哭挽

白首南來哭故人
不圖捐館遽今年
滿座樽醪如昨日
別園花竹已先天
令名超世兒孫俊
事業當時壽福全
儕輩凋零堪可恨
爲聯哀韻轉淒然

廣州人李泰會謹拜哭挽

家成白手大經綸
教子揚名動四隣
同老棣園

湛樂諒忍何堪別永歸晨

族侄良鉉謹再拜哭挽

平生只喜施爲大舉世皆言福祿宜一葉庭蘭
無限碧居然舍此欲何之

素心知種德白手克成家今日泉臺路其何淚
棣華

世生冠山人任永昊謹拜哭挽

山陽淑氣鍾斯賢富貴康寧六十年鵲峙恩榮
兼孝友胡然遠上白雲天

南平人文休烈謹再拜哭挽

大家君子老壽福好平生可憐原上土埋骨不埋名

冠山人任極壽謹拜挽

爲仁能富古猶難操履於公兩所安上舍賢胤承緒業譽聲隣巷起欽歎

濟州人梁相麟謹拜哭挽

琴宮白髮良規在棣院和風湛樂終由來學館今尤愛錦上花開寶樹中

族孫泰翊謹再拜哭挽

壽必在仁故未知今日行口絕雌黃界身兼富

貴名應嫌塵世俗復就玉樓京不幸吾門矣其
何萬事營

族孫泰千謹再拜哭挽

昨夜夢登上帝座仙官持牒選賢仁經綸智術
無雙士事業功名第一人家聲貝府傳華閎學
履程湖有德隣睡罷忽承松里計令公臯復果
然真

山陽人宣澈絃謹拜哭挽

如來老佛卽前身遊嬉塵間七十春壽富由仁
能享福修齊有德不孤鄰名門昌矣青氈舊世

松齋集卷之四
事遽然白髮新莫恨紛紜陽界別泉臺去作太
平人

淳昌人趙玟植謹拜哭挽

得之以道福俱全底事天公召此賢殊榮身致
朱衣客遐壽人所絳縣仙餘慶他時綿瓊美往
尋何處駕雲緣空作佳城春草綠緋謳數曲淚
淒然

竹山人安圭麟謹拜哭挽

天以松齋降福綿世間事業必能焉繕工顯秩
承先烈教子升庠啓後賢六十二齡悲白髮百

千萬緒繼青氈爲吾外裔情尤異哭誅斜陽涕
淚漣

山陽人宣永文謹再拜哭挽

今朝乘鶴白雲隨未忍生離奈此離遺蔭向榮
傳後業餘年偕老有前期西方恩渥垂千載
南極星光照幾時啼鳥落花丹綈路青山無語
夕陽遲

清州人韓興祿謹再拜哭挽

吾與松齋舊有知倘嫌塵世不留遲雲亦淒涼
龍岫麓水將嗚咽程川湄可憐斜日靈車路又

是落花啼鳥時了債人間餘一憾趨庭賢抱未
冠期

山陽人宣永元謹再拜哭挽

大龍元氣鍾真人富貴兼全六十春萬事嗚呼
成一夢白雲山下雜花頻

竹山人安采洙謹再拜哭挽

松湖秋月活川濱早結契情既篤仁白首天
恩榮爵至故家世業德風淳青鳥指點山其吉
元草飄零字尚新一別遂成千古訣靈輶欲挽
淚沾巾

永川人文在禧謹再拜哭挽

吾公壽福是山陽六十春光恨不長古家華閥
千年大聖世清啣百歲香丹紼悲歌芳草路
眞仙宿約白雲鄉令子賢孫隨後哭日慘天老
此時行

侍下生靈城人丁永璣謹再拜哭挽

邁軀龍山陽碩人蘊玉章孝孫承前烈賢胤繼
後光湖水嗚嗚咽嶽雲散淒涼吾哭吾私地薤
歌送北邙

淳昌人趙聖植謹再拜哭挽

孝思初賦天富貴亦由天推念平生事始終一
聽天

靈城人丁士鉉謹再拜哭挽
貝州彌力面松林樹立福基種德深萬事終來
乘彼去落花芳草白雲岑

仁川人李洙墩謹再拜哭挽

孝友傳家業儉勤律已謨福田深種德世道本
無求夢覺黃梁枕路通白玉樓鴈鵠芳草節妻
雨灑長洲

南平人文昌鎬謹再拜哭挽

同居仁里契交密有事相論有酒分髻齡竹馬
斑衫伴半世隙駒白首紛玉海金山前路遠香
蘭寶樹滿庭芬一夢人間今古隔夕陽梅雨正
昏昏

慶州人金魯鉉謹拜哭挽

奔輪日月影投梭順二光陰隙驥過用地因天
三致術鎔金蘊玉一團和人世百年如夢館英
雄千古盡閻羅庭前寶樹春光郁積蔭門中慶
必多

族侄東鉉謹再拜哭挽

平生景仰在中心不料今朝奉訃音門戶已成
官九級家才得致富千金顏怡鵲時榮華極志
悵鴒原痛恨深雖百此身難可續只瞻花樹影
沈沈

族孫忝允謹再拜哭挽

遠族近親哭且奔丹旌一曲白雲濱嗟呼年不
饒高士已矣天何負德門遺澤化隣曾化里嘉
謨宜子又宜孫應知他日泉臺下富貴源源百
代新

玉川人趙炳準謹再拜哭挽

青龍山下初相見五老峯前結伴遊貧富窮通
都鐵限淚題公誄夢悠悠

密城人孫相憲謹拜哭挽

公吾同志又同坊俱是衰年老太平安詳處世
心無累勤儉修身德有光琴床恩誼三生重蘭
砌芳名萬口香豈意松齋先我去相逢他日夜
臺長

晉州人鄭東模謹再拜哭挽

春夢遽然憶昔公松湖亭上有名公自身起富
陶朱公以鼻愛兄司馬公會受國恩監役公

每當座語執平公強將詞淚慰尊公於世無儔

第一公

咸陽人朴弼炫謹再拜哭挽

大德亶宜享富貴子承孫繼慶綿綿萬事人間
驚一夢空山落月哭花鵲

靈城人丁永泰謹再拜哭挽

幸公生老太平時勤儉治家奠福基貽後遐齡
曾已祝陽原悲事詎前知一朝仙化瑤樓案百
世陰深寶樹枝爲抱哀詞攀紼哭山窮水咽夕

陽移

河東人鄭在國謹再拜哭挽

棗花未落蓼花秀章甫南州會葬仙了債歸程
餘祿厚賢孫令子繼青氈

晉州人河信用謹再拜哭挽

嗚呼今日哭吾公五福人間備一躬赤手經綸
家業致白頭冠冕聖恩蒙年過耳順無疆壽
惠及心交濶狹風萬事都忘何所憾超凡英子
早成功

回想公歸路心事有小憾八旬尊伯氏挽車泣
白髮十五一兒孫及期未成就我在他鄉遠臨

終未相面暮雲青山路一幅詞章哭

永平人文秦休謹再拜哭挽

六旬二載做來事勤儉齊家富貴榮山陽四月

靈輒駕野老村翁頌姓名

表從高靈人申星求謹拜哭挽

鸞鳳無心塵世久萋花佳節上仙雲一國清班

監役仕萬人同飽素封君兒能肯構登蓮早孫

又豐盈步草芬會葬南州章甫哭鴈鵠芳草雨

紛紛

琴閣崩城痛塤床割半哀精靈難忍別且莫薤

歌催

南平人文基采謹再拜哭挽

福祿南鄉第一人平生與我託情親
頻因故舊承音候每接顏容服友仁
訓子功成司馬榜愛兄志篤原鴒隣
此行應是仙緣足只恨幽明隔辰

金海人金景植謹拜哭挽

瞻彼高人里長川繞古松
明時居顯職晚歲絕塵蹤
鶴夢仙緣近鳳毛世業融
夕陽輒駕發芳草落花峯

靈光人丁昌律謹再拜哭挽

湖上松亭送一賢山陽人事共悽然予榮孫傑
靈由地富致貴兼理在天消息與花春已落精
神同月夜來圓傍人莫道丹旌謝不朽名留萬
世傳

咸陽人朴淳炫謹再拜哭挽

門望惟公家德新顯榮孝友繼前塵松原花會
將誰恃淚落懸泉蒲幅巾

族侄敏鉉謹再拜哭挽

松林春日晚聞道鶴驂飛萬里青天路應朝玉

案歸

咸陽人朴生炫謹再拜哭挽

龍山駿極萃元精公獨其間得以生手致千金
添屋潤鬢懸雙玉荷天榮雌黃守口常恭慎
儉素持身每坦平教子升庠孫踵美綿綿薌祿
有前程

族弟重三謹再拜哭挽

壽既高福以加一身自在榮華漁樵白髮窮峽
詩禮青氈古家世事翻然夢否令名已矣哀些
歌虞殯先揮淚豈忍看殘月斜

山陽大宣正采謹再拜哭挽

人間公道自分明一曲薤歌感此生也應是日
青山路不掩吾公百世名

金海人金衡基謹拜哭挽

人間五福平生事傳子貽孫毓慶長飄拂丹旌
歸化羽白雲深處是仙鄉

只信無疆壽寧知今日行一門睦族誼誰與復
論情

族侄良鉉謹再拜哭挽

昨夜聽人言公歸無所冤享年雖未大孝子又

令孫

慶州人金昌浩謹再拜哭挽

天賜吾公富貴名綱常流續古家聲落南榮慶
餘身地侍北誠心望帝京人間戚誼風千里旋
下哀詞月一城佐郎若作修文舍應是先靈問
禮明

戚侄公州人李時華謹再拜哭挽

惟公貴福在精綿仁壽胡然甲一年琴室清香
悲白髮蘭庭遺業屬青蓮風傳樸素賢人宅口
戒雌黃吉士邊故舊宗親臨訣地篇終楚些淚

連連

族弟重協謹再拜哭挽

心德如公稟性溫無彊壽考必仁門七旬榮爵
天恩重三達聲名地望尊玄理方謀多眷佑仙緣
奄忽謝喧煩溪流欲咽山無語爲挽靈車淚滴
痕

河東人鄭在龜謹再拜哭挽

大龍山下古松林壽福惟公世所欽一樹庭前
槐蔭積榮名天下國恩深

七十八人間老一朝天上仙嗚呼挽不得薤歌復

悽然

族侄信鉉謹再拜哭挽

泣上江橋素旆翻
視無儀範聽無言
生前富貴同甘苦
死後名聲屬子孫
流水茫茫經歷地
落花寂寂賞遊軒
歌終楚些歸來晚
空嘆諸人眼自昏

金海人金玟采謹再拜哭挽

天旣降斯又奪斯
人間萬事此中悲
名聲遠邇皆云某
志介平生復有誰
棣花園上嗚呼淚
寶樹家中滿積詩
芳草樓臺非不好
白雲山下送

哀詞

光山人金佑鉉謹再拜哭挽

天生富貴人事業好經綸恭儉風猶古寬閒氣
亦淳蔭德垂千載聲名動四隣青山丹旆路荒
誅醇靈神

表從侄高靈人申恪休謹再拜哭挽

吾門鍾氣有斯仁 聖代天恩老逸民七旬年

光歸漠漠一生族誼重親親芝蘭并秀承遺業
稼穡先勤任率真明月泉臺丹旆路哀詞祖送

淚盈巾

族侄增鉉謹再拜哭挽

五福斯鄉有一賢平生心事世爭傳兄弟和湛
終暮境子孫慶祿享千年大龍山下曾難老駕
鶴雲間後列仙翩翩丹旆何隅向喚友罵聲夕
日邊

一憾那堪老伯氏千呼無語夜臺魂嗟違執紼
緘辭慰望裏溪岑日欲昏

礪山人宋 沅謹拜哭挽

寶器瑚璉見若人悅親警俗七旬臻卹分雅望
鄉隣美淳樸高風福履新名得祥麟承緒業趾

傳司馬老經綸攀輿令伯同吾哭嗚咽江聲去
路淪

族從鍾煥謹拜哭挽

哀詞把作巷兒曲哭送靈輶落月晨六十二年
如大夢百千萬事臥長春爲仁秀氣兼爲孝潤
屋嘉謨又潤身肖子賢孫能繼述定知福祿復
振振

查生金海人金奎采謹再拜哭挽

監役公一平生尚雍容任鑿耕駕靈輶歌薤露
人老少悵歎聲

表從侄高靈人申禎休謹拜哭挽
富貴吾公享福全一朝千古白雲仙
泉臺難照承恩日寶樹春光同極天

竹山人安洙仁謹再拜哭挽

爲問松湖泛白鷗先生何去爾空遊
答云了盡人間事歸侍玉京上帝樓

吾門雖不幸冥司得其人地下前賢在
千秋好作鄰

族侄泗鉉謹再拜哭挽

潤屋身兼潤福生積善中而我觀今世
於公見

古風永祝方瞳碧忽驚尺椀紅鳳毛丹穴在餘
祿更無窮

世生竹山人安鍾繪謹再拜哭挽

坐數南州次第家如公福祿更無多父爲童教
天恩重子又登庠地閼華赤手治生成富饒素心
行事不過差鶯花時節丹旌路一幅哀章和薤
歌

族侄文鉉謹再拜哭挽

哭公不覺哭吾私慟哭而題慟哭辭慟哭雖知
無益恨嗚呼其奈永終悲形神未接誰儀式名

價徒傳世口碑七十年間塵夢事青山薤曲夕
陽移

廣陵人李秉愚謹再拜哭挽

嗚呼公稟德性積善竟承天恩青袍士是孝
子溫玉人其賢孫做道緣雲白處滿空樑月黃
昏愧違執紼緘誅替告象生寢門

南平人文濟烈謹拜哭挽

松齋第祿出人清七十光陰白髮明志抱經綸
家致積身蒙華秩世傳名原錫篤愛兄懷誼司
馬榮光子繼聲已矣哭私丹旆路帝峯薤曲可

憐聲

密陽人孫學煥謹再拜哭挽

貝東十里松湖上
毓鍾斯仁箕福全
誠孝由來兄弟樂
崇成不已子孫賢
介爾高明鵬搏海
遽然消息鶴飛天
七十亦爲稀世壽
在公猶恨未千年

公來龍山嵬
公去龍山頽
龍山雲暮夕
璇月影徘徊

冠山人任思詢謹再拜哭挽

吾門有大老
五福自天真
巷女悲停杵
街童淚

蒲巾杜宇三更夜紅蓼四月辰餘舊松齋裏庭
蘭百世新

族侄星鉉謹再拜哭挽

芳草四月天化作白雲仙賢蹤何處問歸路淚
淒然

族孫泰圭謹再拜哭挽

自此吾鄉宿契稀爲誰掩袂坐漁磯淚瞻松壑
堪惆悵芳草斜陽燕子飛

咸陽人朴澈炫謹再拜哭挽

天爲葦南門生公一氣元鄉里櫛完福聖朝

荷特恩司馬有賢子祥麟頌肖孫嗚呼仙去路
萬事日黃昏

坡州人廉來瑩謹再拜哭挽

林松密密是程川
蠹老遺風又百年
善心已積世心服
天爵將修人爵全
塵間莫阻黃泉路
天上應招白髮仙
靈車臨發留難得
鄉里餘生淚共漣

咸陽人朴鳳煥謹再拜哭挽

大龍山下古松林
鶴駕飛天何處尋
貴子孝孫餘慶福
常南華閱擅湖南

金海人金濟大謹再拜哭挽

白頭嗟我老鄉村屈指親交弗幾存世事那無
隨否泰家聲幸有好兒孫五條箕福多餘享一
片心田所守敦薤露歌成因灑淚丹旌悽拂碧
山原

廣陵人李秉龜謹拜哭挽

壽富多男貴又兼天門麻誥 聖恩添器宇稟
多材卓異經綸識了理洪纖欲百其身人願續
超羣當世士攸瞻前路歌終薤露曲青青江上
數峯尖

靈城人丁昌昱謹再拜哭挽

松湖春水綠裝送一帆船蓬瀛何處是泛泛作神仙

慶州人金志浩謹再拜哭挽

問公何處去嘿嘿白雲鄉駕前賢是子遺語福源長

族孫龍彥謹再拜哭挽

嗚呼痛矣失芳隣於黨於鄉小一人宿契非徒三益友交遊共擬百年春生前貴富天增福死後子孫地鍾仁形影分明明月幻几遶夜夜降

精神

咸陽人朴相七謹拜哭挽

天奪吾門大德人人如可續百其身至誠孝友
承先業瀟灑曾襟脫俗塵膝下香蘭由積善世
間青紱驗斯仁申申族誼憑誰問一曲薤歌淚
滿巾

族侄大竝謹再拜哭挽

吾公德業蓋賢能取恨無疆壽未增白髮遐齡
龜鶴老青雲餘慶鳳麟承蔭祥裕後貽謨遠華
誥榮先顯秩升萬事嗚呼餘有憾堪憐吉竈暮

暉騰

山陽人宣永睦謹再拜哭挽

里兒爭說舊名聲從此公行上玉京
可惜經綸林下老遽欺歲月夢中傾
精神松月江頭白氣像和風座上清
已矣靈車陳道路青山無語杜鵑鳴

長興人魏啓洪謹再拜哭挽

吾公今日出西城哭盡生平汗漫情
七旬了債人間事又是諸仙去後程

利川人徐在球謹再拜哭挽

愛親能盡孝爲弟克修恭昭天報以福富貴影
如從

兩家眷好誼十載接芳隣空掬雙行淚送公落
日辰

金海人金永采謹再拜哭挽

吾公養德已多年夢覺七旬幻化仙鄉里衣冠
交有道門庭詩禮教爲賢孟嘗薛息風猶在仲
庠吳庄義不愆哭挽靈輶薤露夕芳蘭砌下玉
生烟

礪山人宋祺洙謹再拜哭挽

敦睦姻親老草廬世間罕覩我公如大龍山色
鬱蒼裏司馬家聲清白餘東川流水無窮恨南
極明星太古墟暮春富貴花飛後蕙子蘭孫第
次居

族孫泰封謹再拜哭挽

勤儉齊家又顯達人間洪福似公稀丹旄翾
松下路欲題哀挽淚霏霏

河東人鄭在舜謹再拜哭挽

富貴令名甲我鄉始知伊後福源長百年事業
松留院一片精神月上樑棣樹餘花春欲咽琴

床孤淚日添傷數幅哀詞猶未挽靈車導引水
之陽

永平人文秦炯謹再拜哭挽

三太平間事事閒緣何去作玉京仙詩酒前年
芳草路薤歌今日暮雲山仲氏青年先地下老
妻白髮獨人間更到那邊儀範接空樑落月影
珊珊

靈城人丁桂鉉謹再拜哭挽

以若吾公德義明不圖今日有斯行塤榻孔懷
千古夢琴床偕老百年情來爲朝士蒙華誥去

作神仙上玉京歸視庭前槐蔭積升庠功業繼
家聲

密陽人孫章煥謹再拜哭挽

公來巷有人公去巷無人夢覺塵間事契尋天
上人

靈城人丁永彥謹再拜哭挽

古家功業新富貴兼全人如何天奪速三月松
林春

昌寧人曹甲振謹再拜哭挽

公來龍山重公去龍山輕公來公去裏龍山萬

古情

山陽人宣永萬謹再拜哭挽

貴而無泰富而儉了債人間去上仙身修孝友
終天祿業致勤攷廣福田琴床泣月嗟離別棣
萼驚春倒後先薤歌數曲靈輶發萬事青山一
夢邊

南平人文基鎬謹再拜哭挽

近鄉隣里賴斯仁富貴平生儉素身傳底家謨
貽厥得修而人爵自然臻可憐一瞬須臾事忽
忘七旬以後春哭拜堪難留鶴駕三清日月伴

仙賓

興城人張仁浩謹再拜哭挽

業已遊行樂誰知永至斯洪流同逝只雲浦共
悽其恩渥華門閥名聲豐口碑丹旌山下去
襟領淚漣漣

永平人文在應謹再拜哭挽

公何奄作上仙人消息初聞夢也真忠孝俱全
能拔萃睦姻高義每周鄰一朵蘭香餘蔭厚百
年樹德遠謨淳翩翩丹旆東城下強把哀詞淚
滿巾

河東人鄭淳芳謹再拜哭挽

松林降謫赤松仙了債人間富貴年餘恨難忘
兄弟樂遺風尚在子孫賢碑銘郭泰知無愧墳
近要離乃可憐飄飄丹旆吾私哭程子江聲淚
共漣

密陽人朴相圭謹再拜哭挽

白手成家又顯職吾公洪福世間稀塵緣纔了
仙緣速帝峯斜日彩雲飛

玄風人郭吉弘謹再拜哭挽

一自德門贅壽眉擬萬年夢耶乘化遽雙淚怨

蒼天

福田勤種德寶樹滿庭春得瓜與得豆天理不
誣人

孫婿廣州人李洪來謹再拜哭挽

碧山迢遞捲晴霞薤露聲中日欲斜惠及窮林
能免菜福承寶樹早開花道場洞闢千年地程
子江深十里沙護送丹旌爭奠路行人停馬共
咨嗟

時屠維大淵獻秀萸月念日卽通仕郎前行
繕工監倭監役朴公之襄禮也竊念平昔愴

然有懷恩忘拙構誅以表素幅

查生廣陵人李正會謹再拜哭挽

夢覺黃梁枕槐香弄蟻封哀誄隨丹紼山頭落

日春

慶州人金德喜謹再拜哭挽

惟公今處世獨有古人風朝野酬恩爵鄉隣施
惠功砌餘花樹蔭庭滿芝蘭春誰與封章讀淚
沾一幅巾

永平人文在舜謹拜哭挽

丹旌路指白雲城應是諸仙去後程天亦知仁

先降福地能藏骨未埋名庭蘭日茁清香美園
棣風淒孤影成數曲薤歌陳遺路潛然血淚滿
雙睛

南平人交在賢謹再拜哭挽

勤儉致家又顯秩世間洪福似公稀欲挽靈車
兩行淚青山十里落花飛

族侄章鉉謹再拜哭挽

壽域花開七十春楊風梧月護精神接人和氣
蘭香播訓子純言德器新白雲萬里騎鯨客華
表千年駕鶴軫山雨溪烟添涕淚翩翩丹旄泣

鵲晨

壺峯人宋奎浩謹再拜哭挽

以公剛健質意謂壽無彊德宇渾和氣邵齡老
太平春深雙棣萼榮發一蘭香造物倘猜否遽
然一夢長

晉州人蘇輝三謹再拜哭挽

受榮孝奉親爲富兼施仁題誄難收淚哀歌動
四隣

南平人文錫斗謹再拜哭挽

湖邊松裏館恩爵素封加雌黃常不口清白古

傳家棣花多撼鬱琴淚自滂沱未得靈輶輓九
原問在何

族弟重恒謹再拜哭挽

五福源源樂未窮那知緇帳遽然空花鶻有淚
啼殘月谷鳥無心語晚風白首青衫塵債了紅
亭綠酒故人同公何一去忘歸路泣看西暉復
出東

光山人金鍾灝謹再拜哭挽

非但心田種以德世間五福又兼之林松不老
公何去空把哀詞泣涕洟

山陽人宣永旭謹再拜哭挽

溫和天性賦其真一世皆稱是善人蘭砌遺香
千歲蔭棣園湛樂四時春赤手成家基業厚紅
袍絆軀聖恩新可惜此行留未挽玉京去路
絕浮塵

全州人崔殷鉉謹再拜哭挽

天必壽於仁然未七旬德容金出鍊心事玉
無塵情篤時時誨誼深世世親白雲山月路泣
送淚盈巾

南平人文宅鎬謹再拜哭挽

世間長壽得於仁六十二年性率真庭下一蘭
登上舍綿綿餘蔭復長春

晉州人鄭炫大謹再拜哭挽

六旬纔過伴仙賓毛鳳哀鳴翠竹春
星冠是日瑤宮席底事招招下界人

玄風人郭斗洪謹再拜哭挽

玉局前身公始降松林春色接天蒼
褒贈教官阿顯考少登進士是兒郎
福田恩爵專雙美德望仁風誦四方
夢覺槐香仙化去程川瓊月夜

無光

南平人文洙覬謹再拜哭挽

鶴駕夜飛松裏月人間百債片雲翻精靈猶感
生前孝歸拜萱親向古原

完山人李載春謹再拜哭挽

一帶松湖流不息吾公福祿興之長秩侈繕工
稱美烈庭趨進士繼餘光忠孝承先傳世業詩
書貽後有遊方嗚呼萬事還如夢淚向空山月
色蒼

光山人金完采謹再拜哭挽

白晷至白首誼密弟而兄兄歸弟獨存涕淚自

盆傾

清州人金順珪謹再拜哭挽

公能兼壽福好送七旬年氏重孫原闕名懸北
斗天風餘冠帶老雲護玉京仙莫恨泉臺遠寶
樹滿庭前

河東人鄭義鉉謹再拜哭挽

斗南淑氣鍾斯賢聲價山陽六十年雖有丹青
圖莫狀程川不息共流傳

全州人李奎彬謹再拜哭挽

惟公齒德冠鄉隣簪紱古家富貴身尊閣情深

琴瑟淚哀廬孝感几筵晨能由斯道成君子可
使先知覺後人已了世間多小債從容仙駕白
雲濱

慶州人金相文謹再拜哭挽

公惟天降姿塵世不留遲棣院孔懷淚蘭庭餘
蔭垂老而心益壯積且能惠施花樹敦情話吾
門更與誰

族從重浩謹再拜哭挽

歷數世間富貴翁源源純祿莫如公詩書有訓
貽賢子門戶生光秩繕工第一聲名懸北斗無

雙德業擅湖東落花時節松齋去歲月遽然萬
事空

晉州人鄭日模謹再拜哭挽

公前公以後純福似公稀賢閣惜琴瑟令嗣耀
錦衣山雲俄北去湖水已東歸斜日帝峯下哭
私涕淚揮

咸陽人朴信英謹再拜哭挽

人孰不哀死惟公最可憐平生豐以德暮景嗇
於年壘床同白首蘭砌續青氈若寬今歲壽賢
抱設冠筵

密陽人孫鳳煥謹再拜哭挽

福德照松林蒼蒼萬古陰嗟公獨饗美無古亦
無今

密陽人孫宗會謹再拜哭挽

青春問幾時萬事一枰碁孝悌兼全叟富貴傳
來基月沉流水咽花落晚風吹翩翩丹旌路慰
公哭我私

山陽人宣弘述謹再拜哭挽

撫實公平生七旬福祿清門高監役宅家述追
先榮可憐兄白髮肯隨帚旌夢耶千古別落

月滿佳城

山陽人宣永桓謹再拜哭挽

斯賢高壽古來稀
聖世承恩是日歸
此去仙鄉知不遠
幾人隣巷淚相揮

晉州人鄭文基謹再拜哭挽

山陽淑氣鍾斯仁
惠恤高風超俗塵
弟兄厚誼和三族
世代榮名動四隣
金谷琪庭傳子寶
玉樓仙榻數君珍
可憐秋草墳前醉
由我私情下淚頻

山陽人宣永億謹再拜哭挽

公來公去順其時超俗高風五福宜子傳孫繼
承承業無數叢蘭問幾枝

河東人鄭世興謹再拜哭挽

吾鄉之翹楚兮公之德望吾門之巨擘兮公之
敦愛龍山之將頽兮君子逝矣樑柱之摧折兮
哲人其萎壽康之未遐兮天胡不吊富貴之兼
全兮貴其能施繕工之恩資兮照耀鄉里賢
嗣之榮名兮早登庠舍惟公之事業兮世人莫
追太平之三兮樂比邵翁積善之發兮丕承葦
南以墳而易箴兮弟先於兄公之仙化兮對越

上帝薤露歌數聲中不勝嗚咽痛哭痛哭

族侄信鉉謹再拜哭挽

嗚呼痛哉年過六十以壽爲期天何不吊以至
於斯流水嗚咽樑月懷其一生德性所賦天姿
溫良恭儉孝友念茲富且貴焉始遂家規門運
不幸天道無私奄棄世事遽然何之琴床哀淚
蘭砌孝思至此永訣寧不爲悲哀情以哭陳此
哀辭

族侄大鉉謹再拜哭挽

以耕鑿兼富貴齊厥家任周旋順二年今春別

幾千事後世傳孝賢子三月葬慰問賓四方連
此日行人難挽臨其壙淚潛然

外從高靈人申孝求謹再拜哭挽

何年始降謫白鶴下松亭芝蘭生馥馥花樹永
青青義庄心似范福德天懸星荒辭陳遣路如
在洋洋靈

族孫奉彥謹再拜哭上

一生儉厚率天真三太平間七十旬燕翼嘉謨
貽後裔脩大道繼前仁每嫌當日稀探候那
識今朝永訣辰數曲薤歌丹旆路連連涕淚自

沾巾

族侄斗鉉謹再拜哭挽

嗚呼送故人六十二年春富貴皆天理修齊超
俗塵音容無復接手澤尚如新祖道丹旌路悽
然淚滿巾

靈光人丁南鉉謹再拜哭挽

積德於前始發此中興門戶自家人白牌入室
肖賢子赤手起阡勤儉身已知尊伯今耆耇可
惜公年纔六旬髻歲同研成浩劫君何泉下選

鋒鏖

地上友清州人韓哲灝謹再拜哭挽

惟公平素事天毓最爲優身全九五福宅占茅
一洲固窮承聖訓敦睦裕孫謨令胤廣遺業德
門不盡休

礪山人宋玟浩謹再拜哭挽

吾公六十二年事純粹仁姿布德心受爵朝
家殊遇重恤貧鄉邑博施深賢嗣高榜能承舊
伯氏悲情永訣今殘月荒山寥落夜精靈莫追
向雲林

山陽人宣景植謹再拜哭挽

七十年來事執公平生不八是非中嘉謨貽後
經綸大和氣容人老少同己了蘭臺追舊業寧
知蒿里定新功欲挽靈輜今不得也應歸杖過
崆峒

侍下生山陽人宣永完謹再拜哭上

嗚呼哀哉天下取難兼者五福也而公能兼之
享年六十有二可謂享壽也身致千金以爲潤
屋可謂享富也明時恩資以耀髮玉可謂享
貴也身旣康寧以終天年可謂考終命也性且
仁恕以好賑施可謂攸好德也今以生之私情

痛哭者公之享年六十二非不長胡不享無疆
之遐壽也是爲後生之小憾也孝子在苦英孫
隨輶而詩禮傳襲家聲振振貽謨裕後豈不盛
且偉哉敢將數行哀辭哭告于靈輶之下

山陽人宣永日謹再拜哭挽

吾鄉士業數公先三太平間五福全杜宇聲哀
更漏地秀萸花發夕陽天青衫白首千門耀善
行嘉言百世傳隣里同居長恃賴遽然化作玉
京仙

南平人文成烈謹再拜哭挽

公今六旬二音德摠溫良仁心和一氣介祿應
三光人生如醉醒世事自炎涼落日丹旌路江
聲去去長

利川人徐斗桓謹再拜哭挽

夜夢拜看上帝前吾公亦坐列仙邊薤歌數曲
翻然覺爲寫誄章消息傳

海州人崔在福謹再拜哭挽

我公七十年萬事已能天黃金誠何物難買不
死仙

廣州人李純會謹再拜哭挽

往歲睍觴松下樓鼓箏絲竹遠浮浮麒麟上舍
萊衣舞騏驎穉孫謝樹休人世永言無此樂風
光不意便生愁青山無語江聲咽丹紉翩翩去
路頭

金海人金濟裕謹再拜哭挽

家傳榮業繕工秩庭有賢嗣上舍名享福餘年
天嗇否遽然一夢使人驚

族弟重純謹再拜哭挽

壽富貴兼全人間事了債夢覺槐香枕夕陽若
木掛

昌寧人曹敬煥謹再拜哭挽

爲緘哀詞堪發嗟尊公去後德音遐白髮人間
公道耀青袍身上國恩加孝友嘉謨照盡業
令孫他日丕承家清風明月松湖上送者悲懷
幾轂車

咸陽人朴春材謹再拜哭挽

天生朴監役地闢松湖濱竹館王摩詰麥舟范
純仁四月十九日六旬二年春孝子賢孫在報
酬理驗眞

長興人任珽鉉謹再拜哭挽

頃宵夢拜瑤皇前日佩星冠濟濟延富貴榮華
誰第一文章孝友摠兼全素封君子其中處白
玉樓人太上緣忽聽薤歌春睡覺松頭老鶴已
爲仙

昌寧人曹昶煥謹再拜哭挽

戊戌年冬晬宴頌世情離合實難謀公今順二
雖爲壽萬古哀何一隻琴

一甲何須此路異紫皇宮裏子先臣只應弟亦
從而逝笑瀉悲情大麥辰

南平人文在述謹再拜哭挽

拜公未幾旬率性語天真雖黃何出口儉素自
修身月落程川夕花殘石虎春滿家餘蔭積令
子又賢孫

後生水原人白泰寅謹再拜哭挽
吾門不幸哭斯賢水咽山嘯是日天走牧同悲
猶且惜况於宗誼倍悽然

族侄周鉉謹再拜哭挽

一夢遽然六十年天何速奪此公賢貝城消息
靈魂去南國風流雅望懸家有餘聲麟趾美門
高他日駟車連明月薤歌丹旆路爲將哀些淚

漣漣

天安人全漢九謹再拜哭挽

公宜享福綿萬事付於天兄老友情重子賢遺
業傳陽界藍袍士夜臺白髮仙晚生來執紼哭
送涕漣漣

山陽人宣永倬謹再拜哭挽

壽福山陽世共推適來適去摠關時淳勤率性
曾何有孝友傳家亦靡追前輩可階叅伯仲後
生無望賴維持始知積善膺餘慶藹苑蘭庭踵
武兒

族從輔煥謹再拜哭挽

公登仙駕巷無人餘慶由來福祿新謨在貽孫
千有歲緣深偕老幾回旬綠楊芳草時當夏流
水落花哭送春一曲薤歌歸去路云云萬口頌
天真

清州人韓景燮謹再拜哭挽

難老舊緣偕瑟友蒲庭遺蔭列瓊枝薤歌數曲
丹旌路啼鳥落花惜別時

後生清州人韓龜燮謹再拜哭挽

賢監役今速去莫匪命奈何天子上庠孫承讀

一家訓萬世傳

外從高靈人申在求謹再拜哭挽

痛哭公才六十年也應上帝命招仙高儀月映
江湖上淳俗風來松竹邊多苦塵寰嫌乃若無
情世事感於焉非真非夢今朝別泣送靈車望
九天

後生晉陽人河在天謹再拜哭挽

道骨仙風富貴身年隆六十著鄉隣前宵乘鶴
雲間去華柱何年復返辰

永平人文在基謹再拜哭挽

爲公恒祝千年壽忽拜悲音淚血垂瓊樹向榮
貽後事琴絃報曲了前期家傳祿履終無憾人
頌惠豐孰不思啼鳥落花殘照路遠將舊誼送
靈輶

濟州人梁相一謹再拜哭挽

天何速奪六旬二戊戌生歸已亥春人間富貴
兼全老世上險夷久閱身座中談笑皆仁友膝
下榮華太學賢白雲山下牛眠處應與羣仙萬
歲鄰

咸陽人朴汶炫謹再拜哭挽

百年積德鍾吾公清白家中福祿隆
講帳深垂崇禮教義庄廣置恤貧
窮聖室難涯攀栢淚棣園叵耐割
琴悃綿綿末世無彊福孝子賢孫繼
述同

族弟重勉謹再拜哭挽

天以出公天以奪富貴傳聲名聲名亦不朽
賢子孝孫是分明分明生時傑去伴赤松
八雲城雲城杳漠處可憐數曲薤歌聲

南平人文奎麟

謹再拜哭挽

簞金餘業羣經積斗粟歡情悅話悠從此清儀

何處奉哀辭一曲淚雙眸

高興人柳踪浩謹再拜哭挽

公在人間稱傑魁地天泰運賁然迴松里暮年
棣萼蔚蘭庭永日榜花開百千萬歲無踰跡二
十八仙充位村白首青春惟一夢挽輒題律未
收哀

南平人文益洙謹再拜哭挽

仙鶴精神降棲松六十年世世申休像龍山萬
仞圓

靈光人丁斗學謹再拜哭挽

尊公聞望冠鄉隣，氣槩風流世罕倫。嘉言不染
今時態，善行能全本。性真承先華，閥簪纓耀貽
後。芳名上舍賢，薤歌一曲青山暮。如可贖兮人
百身。

淳昌人趙吉洙謹再拜哭挽

富而能儉，貴無驕。度紀光陰，夢一朝。令子賢孫
餘祿厚，德門天報理昭昭。

密陽人孫極煥謹再拜哭挽

昔年之戊戌，仙骨自天來。恩海人人浴，福田處
處開。園棣吹墳樂，庭蘭種德培。玉樓今再造，去

作棟樑材

寶城人宣永右謹再拜哭挽

六十年間誰顯達天生福祿似公稀今朝未挽
仙緣路哭送丹旌淚滿衣

耽津人崔甫鉉謹再拜哭挽

行義平生性率真天何奄奪若斯仁眠牛地下
臨乾異化鶴雲間過友寅白手成家謨翼子青
韁遺業繼先人諸仙去後吾公又一幅哀詞淚
滿巾

光山人金鍾旭謹再拜哭挽

程川水曲萬松陰天與仁人報賜深餘芳百世
庭蘭茁本分光榮衆共欽

密陽人孫宗三謹再拜哭挽

享年七十更仙年積善公家問幾年了債人間
旋脫履綿綿福祿後千年

寶城人宣龍根謹再拜哭挽

地真鍾氣率天真北斗以南乃若人一世令名
能享福四鄰惠恤摠稱仁達春閭計如驚夢今
日成裏未贖身庭蘭燁燁承先蔭裕後家聲百
代新

密陽人孫宗勛謹再拜哭挽

鬱鬱龍崗萬仞青
洞開燁燁大門庭
自求善報如公少
寄語今人視範型

密陽人孫宗冕謹再拜哭挽

華封餘祝白雲高
此日歸程上彼臯
仰彼峨峨千仞屹
瑤鄉不遠列仙遭

濟州人梁直煥謹再拜哭挽

龍山一脈降精神
儉素吾公老七旬
湖上松林今惜別
鬱含晚翠帶長春

南平人文榮弼謹再拜哭挽

八旬親兄在撫輶痛哭爲老來尤篤友先我去
何之

光山人金永案謹再拜哭挽

貝東山水毓元氣天稟吾門德望巍百年舊蔭
黃封大品秩新榮白髮輝棣華園裏湛和樂蘭
茁庭中舞彩衣此去仙鄉知不遠白雲深處鶴
同歸

族弟重志謹再拜哭挽

四月葬高年夢耶九萬天世間無事老洛下清
班賢青袍雙秩上白玉一樓前松鶴林間鳥空

飛細淚連

晉州人姜文秀謹再拜哭挽

尊公壽限百年期豈料仙緣在此時郁郁榮名
天点受來來佳慶院蘭奇克家孝行人相羨敦
睦仁心世共知一曲薤歌從極樂四隣老少不
禁悲

密陽人朴炳軫謹再拜哭挽

淑氣於山淑氣江吾公養得太和腔塵掃方塘
明夜月花開寶樹暎春窓壺範謙嚴如畫一棣
園湛樂亦無雙令孫賢子隨輿後丹旄翩翩渡

石砮

竹山人安奎白謹再拜哭挽

嶽瀆有靈始降精風傳東土好家聲百年積德
槐陰厚三達高名棣榮并庠舍早開賢子路文
樽難忘故人情松湖芳草萋萋夕歸不歸歟淚
自橫

高靈人申昌模謹再拜哭挽

丹綈飄搖向白雲蒼天奪我素封君八耄尊兄
隨後哭精靈不昧也難分

密陽人孫基洙謹再拜哭挽

問爾程川泛泛鷗主翁何去水空流答云昨夜
三山月玉洞羣仙結伴遊

族弟重旭謹再拜哭挽

月來前夜影花發去年枝獨奈泉臺路一歸無
返期

密陽人孫榮震謹再拜哭挽

富貴人間自得全邦知永訣在今年七旬遐壽
承天爵四月南風了世緣寶樹家聲傳有後白
雲仙路卽當前此行難挽因難贖空將哀淚自

連連

世下生興城人張斗鉉謹再拜哭挽
天教壽福有仙期挽輿今日故遲遲餘慶在家
傳舊業哀聲闔郡頌新詞 聖恩已許青雲路
公道無何白髮時遙對斜陽攀綈哭落花流水
不堪悲

清州人韓致守謹再拜哭挽
閻羅一路人無塞千古英雄盡此行富貴吾公
猶不免舊山松栢月荒涼

寶城人宣永采謹再拜哭挽

玉京歸路白雲連碧桃花發會羣仙人間又有

賢名大浮世鴻恩六十年

密陽人孫振國謹再拜哭挽

松齋夜雨劫塵噓臨誅悠悠意莫據當年只恨
逢時罕今日那知別路催回死欲甦無奈矣招
魂待返向何哉曉月殘星仙駕下嗚呼誰不訣
懷儲

族從重按謹拜哭挽

吾公一去後里巷更無人確志昭如日和儀渾
是春教子登蓮榜愛兄樂棣隣此別成千古帝
峯月復新

南平人文永墓謹再拜哭挽

白首人間老青衫里上賢斜陽前路滿執紼淚
潛然

廣州人李太會謹再拜哭挽

恒依花樹近相親萬事人間一草塵那堪把筆
題哀輓淚盡青山白水濱

族侄大鎮謹再拜哭挽

謫下人間六十二身兼富貴寂榮光伯吹塤曲
華聯棣兒述家風早上庠豈真體魄遽歸土不
昧精靈宛在堂薤歌一闋悲千古默立青山倒

夕陽

耽津人崔斗鉉謹再拜哭挽

湖南叔氣鍾精靈一世令名北斗傾義庄仁里
同均惠白髮青袍耀晚榮政謂永年遐壽福那
知忽地遽幽冥雖有百身終未續空樑落月影
微橫

密陽人孫宗律謹再拜哭挽

山陽好山水鍾出一賢人風流超俗曰心性稟
天真孝友傳家範睦姻共鄉隣一生享五福莫
非累積仁五福一曰壽壽仁理必然六旬已遐

齒而况又二年次二曰富貴素封古家聲先德
餘蔭慶華職當世榮次三曰康寧生長際太平
貴子與賢孫自樂亦太平四曰攸好德守分宅
居仁修身於齊家裕後戒申申五曰考終命皇
天更召賢鸞驂鶴駕飛伴歸玉京仙昔時杖屨
下接人和氣新嗚呼痛哭誅里巷若無人

密陽人孫宗純謹再拜哭挽

今日方知五福全優余嫺恤幾多年白雲山秀
佳城鬱芳草萋萋引紼前

戚下生慶州人金得浩謹再拜哭挽

監役清官致富翁子賢孫肖繼家風遽拋萬事
尋仙籍天地蒼茫玉露中

清州人金奇洙謹再拜哭挽

十載同仁里三時飽厚恩嗚呼今遠別何日更
承顏

晉州人姜基鉉謹再拜哭挽

播聲暨漢北全福數湖南人間已了債紫府更
相諳

密陽人孫宗運謹再拜哭挽

安過六旬又二年一枝瑤樹滿庭前松栢八冬

經綸世烟霞滿地幻仙天監役清班朝野顯敦
宗厚誼巷民傳杜宇青山閒駕鶴靈魂今夜宿
何邊

草溪人卞學洙謹再拜哭挽

仁人享福自天理孝友家風動四鄰薤歌一曲
催丹紼白雲山下夕陽辰

靈光人丁永孝謹再拜哭挽

萬事慇懃率性真得全五福百年身蘭庭寶實
傳清白桂籍芳名聞境鄰瑤海冰桃雲外遠南
陽水菊夢中新未盡餘情空涕淚松川落月可

憐辰

族孫泰英謹再拜哭挽

公惟此世持仁心萬事無窮德行新何處帝鄉
仙伴會離程淚灑不收襟

靈光人丁永柱謹再拜哭挽

富貴人寰過順年德門洪福不違天天何速奪
吾公去挽紼斜陽淚迸泉

慶州人金鳳喜謹再拜哭挽

十載垣牆接情同骨肉親富貴超羣萃仁恩抱
四隣孝友傳家業勤孜率性真一別成千古大

聲痛哭旻

查下生金海人金潤采謹再拜哭挽
六旬已過一路開璇風琅月共徘徊前日於吾
恩且重杜鵑聲裏哭歸來

清州人金學守謹再拜哭挽

百里山陽有是賢能於富貴可兼全慶餘蘭室
登庠舍恨八琴床泣斷絃身致千金看潤屋位
尊三達耀垂編此行未挽悽然立何處高岑牛
欲眠

安東人金采源謹再拜哭挽

萬事須更了一生仰而欲問彼天明躬行儉素
修敦義心慎雌黃秉篤誠政謂晚年寧白髮那
知今日送丹旌薤歌數闋山陽夕空把哀詞盡
叙情

柒原人尹相遠謹再拜哭挽

上界真人下界年七旬日月更青年東方自古
多仙窟必也三千甲子年

玄風人郭泰洪謹再拜哭挽

余與尊公情誼密逢塲每許率天真吾鄉華閥
誰先數恨作永歸今日身

河東人鄭在三謹再拜哭挽

松林今日路猿鶴共徘徊問爾悲何意主翁去
不迴

光山人金永煥謹再拜哭挽

葦南古族松林里玉館前身降謫初景慕鄉鄰
誰不願禮仁事業自安居修身多日清閒饒率
性平生孝友餘爲挽丹旌斜日哭程川欲咽淚
添裾

冠山人任 昕謹再拜哭挽

別路悲歌薤露深仙雲黯黯殺人心烟月何天

木齋集卷之八
三十四
歸疇管峨洋忽地斷絃琴充養六旬猶克壯消
長一理實難謀舊夢不堪重號盡滿川踈雨淚
淋淋

密陽人孫庠基謹再拜哭挽
藉藉湖南看進賜卓然高義董生風家聲無限
餘陰厚一朵芙蓉萬萬紅

世下生密陽人孫鳳煥謹再拜哭挽

守拙村庄義不貧六旬餘歲一身淳醴青世業
泥龜樂心自平生霽月新人吊德門風撼樹客
悲華舍榻生塵令儀寂寞嗟難奉泣把哀詞淚

以陳

天安人全漢基謹再拜哭挽

南極祥光暎海東
七旬無恙一仙翁
家庭儼若敦和教
里巷流傳節儉風
慶福人間華秩受遐
蹤
天上白雲通兼全富貴
綿綿在肖子賢孫繼
無窮

晉州人蘇輝文謹再拜哭挽

六十二年逝水同浮生
長在別離中
儉屋蓬茨垂厚蔭
侈庄花竹起清風
家有成均賢學士
旋高通仕繕工公
薤歌聲與哀詞
咽江上青峯夕

本齋集卷之四
三
照紅

全州人李應泰謹再拜哭挽
積善家中種福田如公惜未更加年綿綿庭樹
承餘蔭應到雲鄉化列仙

全州人李應三謹再拜哭挽

白首青春問幾時三平日月一枰碁業勤講魯
終成貴躬篤修齊廣置基舊面慙慙樑月滿故
情還自竹風吹松湖落日雲愁夕范笛薤歌哭
我私

族弟重一謹再拜哭挽

龍盤石甞千秋屹水活程川萬斛流惟公壽福
兼如此比古於今莫與儔

晉州人鄭昌吳謹再拜哭挽

松湖上乃若人生長老太平春旣富貴今何去
舉鄉士淚滿巾

廣州人李順會謹再拜哭挽

此公去後巷無人永訣音容在漢濱猿鶴空悲
晴日午江山嗚咽落花辰夢魂莫奈遊千里歲
月胡爲止七旬長堤芳草松林路一曲薤歌動
四鄰

光山人金洪采謹再拜哭挽

嗚呼監役公五福兼全翁痛哭空春草回看但
夕風

密陽人朴基祿謹再拜哭挽

龍山元氣鍾公生白首藍袍享福清千年松里
安居地一樹蘭芽上舍名玉樓應作神仙伴棣
院堪憐友愛情已矣儀形何處覩帝峯落月照
佳城

侍下生淳昌人趙源植謹再拜哭挽

三達公門福旣多松湖春色欲生波南斗蒼然

名姓峙東風吹了性心和丹鳳啣書清秩降青
龍射策寵恩加應知食報元無外種德年來
穩便過

盆城人金警鉉謹再拜哭挽

大龍山鎮水程川淑氣鍾人壽福全雲鄉近日
何消息天下達尊天上仙

薤歌芳草風何處稅靈駕哭隨涕漣漣有子賢
上舍

晉州人鄭奎禎謹再拜哭挽

華胄斗南世有賢似公兄弟孰隨肩美官高選

聲名重榮養終成孝思傳錦闥斷瑟淒絃濕泮
水新蘭碩果懸不忍松臺成古跡猶餘身後德
深川

竹山人安雲吉謹再拜哭挽

嗚呼公此去果爾夢耶真松湖清韻古庭樹白
花新已然今世約更可後生親敢把哀詞哭碧
桃何處春

南陽人宋儼謹再拜哭挽

人間五福蓋難并古家有聲領此名薤曲幽冥
千里路悲歌老少一般情青春和氣停蘭樹白

髮仙魂化橘枰浮雲流水蒼茫事哭拜靈前報
不平

密陽人朴敬勲謹再拜哭挽

行路人皆淚不禁況公於我愛之深教子嘉謨
貽萬卷起家良筭贍千金先靈有顯名稱世後
祿無彊德積陰何處更承親訓語暮春花雨倍
傷心

全州人崔相一謹再拜哭挽

逞歲壽辰攀賀盤萬年恭祝太平安溫語挾人
多款款壯心驚衆尚桓桓計音忽至初非料靈

駕越行奈勝嘆世事曇華誰獨保楚辭未闕己
沈瀾

密陽人孫宗湖謹再拜哭挽

劫路康莊速我賢難堪一理自然天堯夫身上
三平世顏氏家中四勿篇白玉樓臺仙伴化青
襟閔閔俗人傳靈輒未挽全歸夕哭送山陽淚
咽泉

天安人全昌祿謹再拜哭挽

千古松湖地中居碩德人人歸松獨立千古爽

精神

靈光人丁日鉉謹再拜哭挽

尊公遽逝問胡然富貴家中子又賢
意者應嫌塵俗累晚年去作玉京仙

第祿亭川至薤歌松壑哀落月空樑夕
我心只自灰

下生耽津人崔在榮謹再拜哭挽

南州朴監役壽福一身全生盡人間事
死從天上仙原鴿兄尚在司馬子維賢
薤歌靈駕路孰不淚潛然

晉州人鄭炫祚謹再拜哭挽

山之陽海之東福祿家頌於公無盡慶藍衫子
願言親陟彼蓬

秋溪人秋彩文謹再拜哭挽

語音笑貌更依依今日送公淚共揮星照老人
曾謂壽家傳進士渾忘機世間種德譽聲在天
上承恩寵渥稀去歲不來來歲在山陽芳草
恨無歸

金海人金斗天謹再拜哭挽

怆悵送公程雪山重復輕佳謨貽燕翼餘蔭滿
家庭

水原人白元吉謹再拜哭挽

淑氣龍山下令公齒德崇月照方塘白花開寶
樹紅康節三平是香岑九老同清儀何處睹前
路起寒風

秋溪人秋祥主謹再拜哭挽

斗南淑氣降松林達尊令望使人深爲賀德音
崇若彼安知永訣到于今芳草此時丹旆路青
山這裏白雲心難堪離席吾私哭不覺潛潛淚
滿襟

下生秋溪人秋鶴主謹再拜哭挽

年當六十餘真率過平生敦睦門庭肅淳勤家
道成同根兄弟友垂蔭子孫盈哀輓青山路數
行寫我情

綾城人具東湖謹再拜哭挽

純厚平生率性真胡爲奄忽七旬春榜名膝下
賢胤繼恩帖家中世德新同床故誼三生老
長枕至情一視仁終知脩短皆從理哭我切親
望彼旻

完山人李三榮謹再拜哭挽

誰識巖阿有此賢清儉守德永終年青氈事業

家仍富白首風流福已全諸子趨庭餘至孝列
仙護駕共真緣巫陽鈴語招魂夕一理盈虛詛
誣天

秋溪人秋秉律謹再拜哭挽

六十餘年無事翁賢名晚歲誦傳豐回憶前生
多積德拜歸今日有光風

晉州人姜參東謹再拜哭挽

淑氣鍾斯仁富貴兩全身松林有餘蔭蘭室滿
新春

光山人金漢模謹再拜哭挽

前而安樂後無憾萬事人間各得全神若實知
將有宥天應降眷亦其然願曾白髮高年齒登
役玄都上界仙欲挽靈輶還不得臨歧涕淚漸
盈巾

下生金海人金三道謹再拜哭挽

壽夭賦于天居然七十年松林他夜月如見白
雲邊

光山人金良默謹再拜哭挽

天出朴公鍾福全范蠡石奮莫能先可止享年
甲後一鄉孰不淚淒然

光山人金璋敦謹再拜哭挽

嗚呼哀哉公之逝也居在一鄉非但同年之交
密臨事周旋曾有患難之相濟自余病沉之日
久未得相從而聞公愆和靡寧意謂趨復勿藥
矣凶音忽至夢耶真耶握手未能敘話臨壙亦
未能永訣於余心豈不哀也哉橫淚盈襟短詞
以送論其情則近於踈言其私則愈於己
靈若有知領此情私否耶嗚呼

松林監役公孰不飽風聲六十二年卒百千萬
事終

光山人金奕基謹再拜哭挽

龍山以下卜名區庭宇鮮明似畫圖竹塲花園
能樹立芋田秫畝共排鋪如魚躍水寧知樂有
鵲棲林更覺癯海屋添籌終沒策白烟初散鍊
丹爐

下生兆陽人林時潤謹再拜哭挽

公是珍原裔春秋送六旬青年治產業白首荷
恩綸據了塵間債遠從玉洞賓常思還不見空自
淚沾巾

朗州人崔完峽謹再拜哭挽

蓋此人生摠命天曰公賦性最其天有子有孫
多餘慶所以報酬亦自天

下生秋溪入秋采葉謹再拜哭挽

自公捐館後回首白雲多千百營爲事後人更
若何

密陽人朴廷敦謹再拜哭挽

公於氣數得其純多福平生好好身持己以仁
由白首齊家曰儉自青春里隣令望人皆仰孝
友流風世罕倫賢子賢孫隨紼路愁雲浮散暮
江濱

晉州人姜後根謹再拜哭挽

廣施活命阡公德實如天但言長不老那意棄
今年早從金殿外晚向玉京前也應其善報自
覺理玄玄

下生秋溪人秋在翼謹再拜哭挽

公去德猶在吾松哭莫追吾私何以遂只說永
謨垂

下生全州人李寶順謹再拜哭上

吾鄉不幸甚公去白雲遙一章哀淚送白日雨

蕭蕭

門下人濟州梁漢龍謹再拜哭上

卜居樂智仁資貨共踈親貴榮傳世代令譽聞
鄉鄰流水琴期斷空樑落月新細雨斜陽夕慰
靈淚下濱

晉州人姜聖煥謹再拜哭挽

無論愚與智咸曰我公良明時乘大化富貴自
生光

密陽人朴子順謹再拜哭上

富貴兼全此一身試看今世少其仁家聲古砌
蘭香馥仙籍帝鄉敬作賓龜壽生光來級日燕

木齋集卷之四
六十四
謨無愧報輝春山哀水咽斜陽路拜送丹旌換
蒲巾

下生原州人諸鳳鉉謹再拜哭上

福難兼福壽中途此別迢迢永八愁如可續還
金不惜猗陶僑僊孰爲浮

下生羅州人林采玉謹再拜哭上

公何去公何之天上李賀更期靈輶發孝子哭
知莫挽淚披支

下生兆陽人林時權謹再拜哭上

愛人將有德論壽最高年今日丹旌下酌酒送

塵烟

密陽人朴昌默謹再拜哭上

全以受之歸以全忽然當此不幸年富貴平生
多積善片宵應化玉京仙

世生密陽人朴弘叔謹再拜哭上

守節松林自處容率真天性遠塵蹤春到棣園
華寶樹貴兼家範富義農花草年年春復見星
辰日日夜夜還逢如何暮歎悠悠路一去回期更
不重

兆陽人林時根謹再拜哭上

檢行稱里巷榮爵出朝班杜門終不出天與一生閑

北陽人林啓喜謹再拜哭挽

悠悠落日彼蒼天七十光陰一遽然性率自眞仁擇處身儉高富貴兼傳催時鸞鶴悲何意挽駕衣冠哭可憐今去黃泉遲且遠白雲這裏好遊仙

北陽人林季英謹再拜哭上

萋萋芳草白雲山迢迢一路隔人間不是長生處好是白雲在此山

下生密陽人朴準鏞謹再拜哭上

山陽淑氣鍾斯公超俗高風擅我東令子賢孫
能繼業滿庭寶樹自叢叢

下生仁同張陽彥謹再拜哭上

山岳毓斯仁富貴到七旬繼承承業叢蘭滿
庭新

後生仁同張福球謹再拜哭上

儉清富貴壽而仁賢子登庠孫有麟絳紗籠燭
青山路雨泣淒淒送往塵

後生清州人楊熙榮謹再拜哭挽

先武己亥二月二十九日通仕郎前行繕工監
假監役 朴公卒四月二十日葬之蓋以禮也
家君謂小子曰 朴公與乃爺同庚而大戊也
公嘗語余曰吾與子同學而子做事業聲播湖
洛不名而以道源子目之可不偉哉余曰此未
之有有亦何足爲事業業于功令而抱瑟齊門
志于經學而失燭昏衢上不致孝下不垂裕窮
不事君貧不濟衆此天地間一米強也惟

公則不然孝于親友于兄身修而家齊父慈而
子孝和氣所召蔭宦自臻誠力所致貢科繼至

松林清風龍崗明月八室昇堂道坪秋梁程川
鮮魚適口充腸不知天壤之間何事何業可以
當此也然而珍原氏之家古有葦南先生爲珍
原之後者以葦賢爲法是亦葦賢 公其圖之
于子若孫可也 公唯唯而罷其後果聞鄭斯
文時林朴斯文文鉉廉斯文在業朴斯文弘瑄文
斯文基采宣斯文澈鉉諸公相繼爲松齋塾師
公之志必有所在而一朝成千古之恨余在哀
疚不能匍匐執紼汝其替述納于 公之玄宅
焉小子退而悉次其語又作蒿里詞一章

繕工非報德庠士豈貽謨謨德綿綿慶至如程
子湖

後生光山人金永璇謹再拜哭挽

百里古山陽恨無祖壽長兄以遺舊碧叔兮泣
栢蒼承業尊封爵慰靈忍舉觴今何別世去上
仙至帝鄉

外孫星山人李教元謹再拜哭上

葦南肖孫松齋公種德將看百世風廣置義庄
兼孝友要知心事獨天翁

族侄馨鎮謹再拜哭挽

富貴壽而康高名擅一鄉
誨孫貽厥翼敦族播其香
白髮由公道丹旌幻夢塲
斯行挽不得哀詞餘恨長

廣州人李俊會謹再拜哭挽

融融淑氣鍾斯賢壽福人間兩是全
百世流芳仁有澤一朝捐館化登天
羣仙知待瑤樓外上帝應延玉案前
丹旌飄拂今何去明月青山綠水邊

晉州人鄭元昊謹再拜哭挽

一境人咸誦德寬泣珠難報報恩難
去後餘蔭

無盡在子孫和氣滿庭團

靈光人丁永大謹再拜哭挽

天授無疆福木假中起峯 恩秩登監役裕謨
貤素封有子蓮榜早抱孫玉頤丰奄遇摧樑痛
雙淚自淙淙

族弟重錄謹再拜哭挽

南極精光六十載天教壽福又兼之持身自謹
優 恩渥率性而真有慶宜惜別此山芳草恨
從遊何日赤松期飄然丹旆長興洞能使幾人
涕淚垂

利川人徐裕錫謹再拜哭挽

華閥珍原古經綸范相侔仙路公何速乾坤泛
一漚

靈光人丁永文謹再拜哭挽

職居監役尚敦睦內有賢妻上伯兄富貴子孫
能繼世昭昭家則永傳成

族從重贊謹再拜哭挽

世無完福獨公全上舍賢嗣舊業傳已矣九原
難可作哭私執紼淚潛然

廣州人李德會謹再拜哭挽

往復康莊太倏忽一場春夢杳難圓
孫枝子葉春無限南極明星又彩躔

靈光人丁永一謹再拜哭挽

六十年來壽福長庭前寶樹一春光
登仙却忘塵間事好向佳城流水鄉

密陽人孫基煥謹再拜哭挽

龍山淑氣鍾斯賢五福從天全一身
誰料公爲長夜客始驚我亦暮年人
傷心老契香蘭席想像空樑落月晨
薤歌數曲雲城裏護送靈車撼

淚頻

南平人文在瑀謹再拜哭挽

夢遯昨夜玉京春上有吾公岸醉中感問胡爲
青鶴士慙懃答曰赤松賓且臨極樂還生界復
送斯翁出定人忽然覺後悠然揣摠是六旬種
德因

金海人金斗光謹再拜哭挽

乾坤化氣鍾公生富貴風流一代鳴敦睦高標
迢俗累齊修清節繼家聲天予天奪天無奈我
哭我私我不平執紼悠然還悵望青山埋骨不
埋名

族侄珙鉉謹再拜哭挽

嗚呼 公之積德符驗觀他福祿溢門可知矣

易曰視履考祥其旋元吉惟 公以之詩曰永

言配命自求多福惟 公幾焉奚以知其然赤

手致富使居有良田廣宅可與仲長統相上下

黃卷教子使至于賓興上庠庶與鄧元侯相伯

仲貧族之未嫁者與其資使成人可庶幾乎范

公義庄竊交之苦艱難者與之田使營產可跂

望乎伏波賑施位登將作此由修天爵而人爵

自至壽登耆耄此由攸好德而康寧自至矣凡

此數者非考祥其旋而何非自求多福而何吾
之誅公也其實行之在人耳目者只舉一二
者職以哭吾私之心較切也何者吾於公也
白首相逢受知相深雖竹馬親朋不能效其契
合自以爲暮境鍾伯益多受賜矣詎知今日有
此千古之恨乎嗚呼痛哉

咸平人魯駟錫謹再拜哭挽

致奠祭文

維

楓林里

歲次己亥四月戊寅朔十九日丙申幼學

金魯鉉

郭相告

卞洙學

丁永泰

姜福萬

謹再拜哭告于

故通仕郎前行繕工監倭監役珍原朴公之

靈嗚呼惟公骭麟風骨愷悌仁德躬儉力穡

因致素封推已及物惠洽窮鄙嗟我諸生惟

恃依靠年過望七擬謂遐筭不幸今春二豎

作戲萬事已矣孰不感悲奄當襄日愴悼增
深謹將薄奠敢伸菲忱嗚呼哀哉尚

饗

維

長興洞

歲次己亥四月戊寅朔十九日丙申幼學

文基采

宣永文

孫極煥

趙吉洙

謹具菲薄之奠哭告于

故通仕郎前行繕工監假監役珍原朴公之

靈惟

靈稟精山岳篤生異姿踈髯方頤溫其如玉

公表格也性柳心花渾然純粹一團春和隨處

發見

公天賦也幼而失怙事母至孝事兄勤恭喜懼
湛樂靡不庸極及丁內艱哀燉踰制三年居
喪不御酒肉朔望省墓不避風雪

公孝友也白手成家富益勤儉謹身節用不慕

奢麗

公規模也監役清宦自來逼身榮耀閭里

公立揚也教子功令早登蓮榜有孫蘭茁犀角
豐盈英達夙成克肖乃祖

公餘慶也廣置田庄以業窮民節食致積濟貧

恤困

公仁德也夫以

公之孝友仁德宜享无疆之壽而豈意遽有斯
行惟我一村偏蒙

公之恩澤與他有異今當永訣之日略伸情私

伏惟

精靈庶幾歆格嗚呼哀哉尚

饗

公之

公之

公之

公之

公之

